

沅
湘
耆
舊
集

沅湘耆舊集卷第一百九十七

新化鄧顯鶴湘臯編輯

長沙毛國翰青垣校訂

僧續遁 三十四首

續遁字石舟湘潭人年二十四卒詩人張謙庵刊

行三僧遺詩之一也謙庵三僧遺詩序略三僧者

及門先後詩弟子也滌塵一石舟一漱石皆余

齡石舟歿於道光辛巳僅廿四歲故石則五旬未

滿甲先祖嗚乎國哉黃梅易熟落葉難留方調

託鍾君非黃壤之埋伊實蒼天之喪我眼前衣鉢

付託伊誰身後琴尊感傷嗚昔諸君子過青豆之

閑房睹白蓮之遺集共嗟理玉不惜布金結茲未

了之緣俾作長問之句爰命素人登諸梓氏庶幾

琴魚半尾猶有已死之桐

笛響一枝尚是未枯之竹

抵空靈岸

朝發湘江水暮抵空靈岸風急片帆卸浪高水紊亂山市
柝聲遲漁村炊煙斷踈星浴江波明月澹河漢高吟應不
眠悠然達清旦

曉起寄唐坤士

空山先鳥起初日射窗紅夢破疏鐘裏詩敲斷磬中啟籠
調病鶴刪草惜殘蟲未識吟詩者還依藥鼎烘

秋夜懷周鶴邱次前韻

空山茅屋夜茶煮竹爐紅秋盡燈昏裏人吟夢醒中疏鐘
蘇病鼠破壁響寒蟲不怯殿風惡重衾暖似烘

秋居復次前韻

君遠置市隔斷軟塵紅門掩疏林外詩敲落葉中溪聲
寒帶鳥秋意澹鳴蟲漸把棉衣補巡檐就日烘

曉行

曉出翠微巔露寒霜滿天路生先怯水山遠半疑煙鶴唳
雲歸洞雞鳴月在肩吾生本飄泊行腳自年年

送人白雲峯埽墓

君向白雲云白雲我舊居不知白雲頂猶有白雲無重以
椎牛感兼之征雁呼精靈入魂夢莫聽夜唳鳥

懷鳳竹林

回首鶯花社難忘鳳竹林雨添湖水滿葉落寺門深清夢
花閒磬幽泉松下琴故人有支遁一夜一追尋

懷鐵君嶺南

昨夢騎蝴蝶隨君作遠游
蠻煙迷瘴海明月滿羅浮
鴻雁過來少鷓鴣
嗚不
休醒來聞短笛河漢正西流

游辨香精舍

行行跨山脊望望雲根客
到雲爲主山空佛自尊
亂峯青過雨一水綠當門
日暮不歸去隔花聞鳥喧

宿芋香精舍感舊

幾年人不到感鶴問青山
流水如前碧白雲依舊閒
今宵有明月照我昔時顏
不見黃頭衲松陰杖錫還

湘陰道中寄懷張哲堂

迅遞湘陰道秋風千里寒
黃陵有遺廟苦竹倚江干
遠水

杳無際猿聲聽未闌懷君當此夕月色滿長湫

懷箴泉居士

不作諸侯客飄零楚水頭韓康原賣藥王粲慣登樓撫劍
一長歎於人何大愁山南風雨夜曾共話殘秋

月夜重登岳陽樓

古人今不作萬里一重搔鐵笛仙何在巴陵酒未消風塵
三戶合天地一身遙倚檻看秋月關山夜寂寥

月夜宿關江驛

水生青竹浦秋老石門灘山月澹如此江天空自寒雁聲
千里斷客夢一燈殘爲憶黃花約長吟殊未闌

晚自行和尙

未面空山老尊宿邇來回首一愴神誰從佛地耽三宿我
識人天隔兩塵幸得煙霞餘舊歲從教水月認前身吹毛
不說無生法獨對秋風慷慨新

寄懷韓葳泉

荻花楓葉滿江干記別淮陰擲釣竿聞道結茅隣岳麓何
如賣藥在長安湘妃淚盡惟存竹屈子愁多祇賸蘭我欲
訪公兼弔古新詩吟對夕陽殘

和竹生移家星沙原韻

故鄉小住未經時又指星沙賦別離芍藥紅圓煙際寺垂
楊綠滿酒家旗雨湖回首春三月湘浦銷魂笛一枝知否
山僧隔雲麓鐘殘磬絕想思

中秋懷伍愛山

我向靈山挹翠氛，隨風桂子落紛紛。
一條白練亘空界，萬里青天無片雲。
月到今宵看更好，秋從昨日說平分。
沅湘欲訪吟詩侶，地北天南悵別羣。

上巳龐鐵峯招集同人分韻

花圍綺席客耽歌，千古高情繼永和。
上巳最難晴日好，停雲深喜故人多。
幽懷縱酒十分醉，樂趣輸春一半過。
日暮斷鐘殘磬裏，輕寒不礙病維摩。

過三覺寺呈曉林大師

一望深山翠不分，冷然鐘磬隔煙聞。
四圍古木堆黃葉，滿地莓苔生白雲。
化石虎仍留不去，守門鶴自戀爲羣。
老僧

識我還迎我笑指芒屨重幾觔

同哲堂遊青龍寺

太遺莊巖繡佛幢寺門幽邃俯清江野雲留客白鋪徑嶽
色窺人青到窗鐘打不聞獅子吼浪翻疑是老龍降拈花
欲識前生事笑問參禪舊老龐

過舊寺

一徑雲開路幾層空山古木絡寒藤我來石上觀流水憶
向風前哭病僧濤瀉古松驚老鶴雲橫絕壁下饑鷹靈根
幾到空空裏暮鼓晨鐘感廢興

落葉聲

疏林渺渺日黃昏葉落前村又後村孤館有人猶病酒空

江無客不消魂，微霜薄露寒侵榻。細雨斜風，夜打門我亦
宵眠聽不得，休將惆悵復重論。

哭也岸

忽漫西歸撒手行，招魂空到楚江城。白雲散去原無影，黃
葉飛來尚有聲。一自風前哀大別，何年石上話三生。縱教
成佛生天去，未免人間愴別情。

重九前一日舟泊岳陽與竹公分韻

茫茫身世等空花，紅樹青山到處家。萬里遊蹤歸海嶽，十
年塵夢醒煙霞。關河遠道迷秋水，風雨寒城急暮笳。又是
重陽好時節，扁舟猶自滯天涯。

蘭江畱別峻上人

蘭江江水送行舟一別支公動遠愁紅樹湖山歸路晚黃
花風雨寺門秋名場未必稱千古身事還須臥一邱他日
衡南尋舊約寒雲鐘打二更樓

答蘅臯禪侶

故人昨寄雙魚問我山中何若半潭秋水觀魚一塢白雲
放鶴

芒屨到處看山藜杖有時行樂白雲不雨常閒黃葉無風
自落

湖上

湖上青山踏雪登晴光初破凍雲凝東皇莫道無清供萬
樹梅花一箇僧

訪方不遇

芒屨踏破白雲痕
畫裏尋詩擬叩門
報道看山人出
早短衣匹馬過前村

舟中口號

一抹江天浸晚霞
歸心千里片帆斜
篷窗一枕眠初覺
看盡黃蘆兩岸花

放歌

一枝筇杖一扁舟
雲鶴行蹤得自由
記訪羅浮狂道士
笛聲吹徹海山秋

說偈

認得廬山面目真
十年游戲狂紅塵
從今覓得泥牛渡不

向前頭問主人

贈長松閣士

衡嶽蒼蒼擁梵宮，寒濤飛瀉萬株松。
幾回明月清風夜，自向山前咒毒龍。

僧寄墨

寄墨一字瘦石一字漱石湘潭人有擊竹詩鈔

半山亭

勝地結遙想，何年開禪關。
偶攜一兩屐，鼓勇來名山。
茅亭倚苔磴，怪石橫孱顏。
亂煙迷紫翠，飛瀑瀉潺湲。
汲身騰五丈，魂落萬松閒。
斜日澹秋色，遠水平湘灣。
溼翠壓鳥背，空青浮鴉巖。
願登最高頂，常看白雲還。

憶半閒精舍

好月上東林，流光照古寺。掩卷坐空堂，含情生遠思。涓岸
舊家山景物，尙堪記溪柳。萬條綠巖竹，千竿翠茅屋。當東
頭，舊有半閒寄榻堆。般若經，巖懸擘窠字。故山寄書來，笑
我甘塵累。何時帶鶴歸，趺坐白雲地。

立冬日遊林屋山房

天氣動微寒，客中尙閒適。疏林黃正稀，古樹翠猶滴。殘花
綴疏籬，寒雲補破壁。故侶別來久，今辰一相覲。邀我坐高
閣，空江俯蘆荻。日暮西風生，漁人醉吹笛。

寄謙庵先生

我出公忽來，夕陽照茅舍。獨坐數歸禽，高吟忘息駕。我歸

公已去紅鐙向籬射山童迎門呼新詩在蓮座三復眼生
花妙義稍可破知開開鈍根西方無此化舉首白佛前佛
亦爲之謝卷稿倚空廊高懷何蘊藉星光正滿天落葉隨
風下

遲白甫不至疊前韻

一約竟不來雅興又何適新詩共誰吟好酒珍珠滴應念
空谷人添香面枯壁鐙光射窗櫺瘦影頻相覩車聲杳不
聞西風響蘆荻安得翩翩來天外一聲笛

和謙庵先生晚過半芋精舍韻

獨鶴下遙空昏鴉滿林樾高閣微風生清碧隔窗發坐待
詩人來松陰踏明月

喜謙庵先生見訪疊前韻

斜陽入巖際歸鳥破林樾有客薄暮遊豪吟清興發遲我
不歸來坐上東林月

月下與龍翰臣孝廉探梅壺山

遙天耿耿明參星疏林謾謾來松聲當空皎月白東嶺蕭
森寒影空中橫荒雞不曉夫不曉燈火竹閒誰家小霜華
撲面竦毛骨芒屨寸寸溼枯草狂歌鼓掌老鶴驚暗香橋
畔寒雲生與君靜夜探幽雅爲愛梅花霜月下

集友人宅看桃花

我昨瀕山過禪心悟處圓花開新雨夜香度晚風天色相
渾無著繁華絕可憐名園此高會一醉豔陽前

沈澗者書集卷第一百九十一
駕鶴峯

石磴隨雲轉來登駕鶴峯峯高鶴已杳石疊雲猶重只見
峯閒寺飛來樹杪鐘西風一飄忽猶記舊巢蹤

次崙生袖詩重訪韻

送君記前夕古道一襟分野水翻孤月層巖宿亂雲新詩
已頻讀古調忽重聞竹閣斟香茗斜陽落葉紛

冬日隄行

野草寒無綠淒其歲暮何泉聲咽溪澗霜氣冷關河人向
客中老情從別後多遠看斜日下亂影散巖阿

宿白雲精舍

殘照下江澗松邊一鶴還諸天清磬裏古寺亂雲閒孤月

寒偏冷紅塵了不關溪聲留不住高枕聽潺湲

贈嶺西李羅園孝廉

十年滯京國歸夢故鄉多古寺一相訪疏林時放歌筆搖
銜嶽翠墨捲洞庭波轉恐匆匆去山僧索別何

水仙花

天風響環珮吹落碧湘隈雨過葉如洗煙空花忽開分明
臨洛浦清淺隔蓬萊我亦疑龍女珠宮一笑來

湘江夜泛

空濛亂雙槳向晚放扁舟岸瀾煙無際波平月不流漁歌
清極浦鐘火暗層樓遙想沅湘客閒吟正暮秋

過鳳竹庵訪也岸

湘水通溪細，湘雲度閣遲。
花容澹巖際，日色冷松枝。
偶爾參名宿，閒來禮辟支。
竹窗杯茗話，清磬出林時。

立秋

一葉驚秋起，高樓感正除。
炎涼催節序，瓶鉢尙生涯。
素月消殘暑，斜陽點暮鴉。
浮蹤猶未盡，何處是吾家。

秋螢

小庭過夜雨，螢火忽然生。
亂點疏檐澹，平流細草明。
人簷坐枯衲，伏卷見吟情。
纔欲騰空去，蒼茫墜短楹。

秋燕

忽作空梁別，西風兩翮寒。
不辭雲路杳，頓覺海天寬。
黃葉村中屋，白蘋江上灘。
低徊塘際外，猶把舊窠看。

秋感

一笛西風起，頻驚破衲涼。
生涯緣獨拙，叛鉢總他鄉。
回首白雲白，故山黃葉黃。
昨宵記歸夢，明月一林霜。

秋日喜張哲堂至

夕陽明畫稿，一片水西村。
秋老僧歸寺，雲深客到門。
名香縈古榻，野菜摘荒園。
共話三生事，清風恰滿軒。

讀茸香遺草懷滌塵

兩卷茸香草，煙雲滿紙鋪。
猶看詩偈存，得慰鬼雄無人憶。
三生話聲隨一串，珠今符最難。
讀淚雨竟模餽。

醒庵贈剗

久與嶽雲別，還從湘水逢。
莫驚秋色老，猶帶露華濃。
我已

經年瘦君猶舊日容佛前作清供便可證禪宗

讀春樓舅氏遺草有感

不向西州過於今已十年忍將兩行淚灑向九秋天
福命生前薄詩篇死後傳可憐今夜月猶夢聳吟肩

題平山曉林大師觀海圖

萬里渺無際蒼茫雪水閒直將一枝錫飛渡三神山
我欲同君去年來殊未閒何當滄海畔飽挂鸞帆還

靜夜

古市紛囂絕空廓寂寞過星光挂窗大霜氣入簷多
靜坐消羣妄怡情養太和孤鐙泯簾角織影碎微波

約李春城探梅

竹外斜應好枝頭飽受霜影浮孤徑月花度隔林香春色
此閒早何人清興長明朝共探去一折小橋傍

冬夜綠筠精舍與靜軒話舊

世態不須計人情重可憐直將十年事敘向一燈前我悟
粘泥絮公參出水蓮話殘霜外磬寒氣壓吟肩

寒夜喜谷星橋見訪

蕭齋太枯寂默坐一燈前月澹微霜夜風寒欲雪天拈拈
依寶鼎開卷對香蓮有客來相訪同登大願船

閒居寄了塵

自注時了塵居白雲峯

幾度隨雲鶴又來湘上居一瓢挂蘿薜雙屐訪樵漁山色
青當座苔痕綠上除夜深懷子意曾寫貝多書

春日遣興次伍愛山先生韻

儘放春山入座來，講臺高處法筵開。
層嵐帶雨浮吟榻，怪石盤獅伏酒杯。
天地儘堪容大拙，古今原不屈奇才。
名香燕罷當軒坐，粥鼓聲聲隔院催。

曲欄高下日西斜，徑遠心空絕世譁。
狂蝶舞回牆角影，亂鴉衝碎水邊霞。
正尋秃筆揮蕉葉，翻羨兒童捉柳花。
斷磬忽催詩興發，吟聲高處梵王家。

暮雲滿徑隱蒿藜，岑寂虛堂萬象低。
千卷名經開玉笈，十年昏膜刮金篦。
人生有恨殊非誕，佛向多情爲指迷。
漏盡忽驚庭樹影，一枝斜挂月流西。

落花

杜鵑號挾雨聲哀一片飛花點翠苔豔質已隨流水去芳
魂猶作美人猜一番好夢官春斷幾點殘香入酒來我自
繁華不經意名園也悄落紅堆

月下飲

萬古長甞月一輪古人不見月猶新試將月色思顏色只
恐今人又古人有酒須從死前醉無花不是鏡中春持杯
亂唱古人曲好月多情隨我身

和雪門見贈元韻

白雲紅樹靜相宜緊閉柴關出每遲戒律本嚴先斷酒名
心未淨尙耽詩猿能聽法樓常定狐解參禪喝不疑自讀
楞伽自敲磬本來黃葉是吾師

懷蘿園

一樽清餞記銷魂
漠漠寒雲水際村
蒲葉遠藏天際影
梅花亂點雪中痕
今宵何處夢初醒
寒氣撲窗天欲昏
我正空堂聯舊雨
把君詩句共重論

海會庵上主持鎮岳

曾從丈六識金身
離垢園中迴絕塵
萬壑松風千澗月
六時花雨半籬春
祖庭未覓安心法
佛地還容合掌人
願乞捧頭師一喝
性天悟徹憶前因

謝蘿園惠金銀花茶

五峯高與太空蟠
疊翠遙飛千尺寒
冉冉靈根種何處
有人采向亂雲端

紅蕖攜下五層臺千里歸舟楚水隈
深荷一朝分惠我淪泉先供佛如來

懷金麓南

歸來竹裏安吟榻何處雲中挈藥籠
好待大江秋漲起輕舟十幅挂蒲帆

畫蕉

綠蕉深院種千株十數年前學草初
對此不知原是畫凝情欲看舊時書

有寄

胸襟橫寫洞庭秋入百湖光一葉舟
知有仙人跨黃鶴笛聲飛出岳陽樓

沈湘耆舊集卷第一百九十七

沅湘耆舊集卷第一百九十八

新化鄧顯鶴湘臯編輯
長沙毛國翰青垣校訂

釋本照 七十二首

本照字竹軒湘潭人有杯渡草漢上吟諸集竹軒
卓錫無定所在南嶽多居雲密峯在湘潭常往來
懺心法華寺其於詩也於湘潭諸僧中爲上座張
謙庵所刻三僧遺詩皆後起也與吳白庵黃心齋
楊湘崖陳蘭莊諸君俱稱投分近日吾楚詩僧寄
塵名最著竹軒次之實則寄塵非竹軒匹也竹軒
雖亦不離彼法要其清妙處正多寄塵滿紙應酬

常語殊令人難耐而世頗稱之甚矣真識之難也

古詩

羨門騎白鶴飄然下太行手持一卷書妙義不可量長愁
世閒苦思返白雲鄉撫膺浮蟻蝶一舉適扶桑遙見蓬萊
宮嵒我凌上蒼仙人拍手笑招我登華堂回首望鄉國海
氣空茫茫

吾生與萬物誘然天地閒宵眠復早覺各以求自安流光
不相待倏忽凋朱顏豈如王子晉騎鶴上緱山吹笙弄明
月萬古長相歡

秋夜吟

次寥天氣高院落纖塵淨絡緯厲涼風巖壑斂秋暝所屬

期不來松陰滿籬逕忽與一樽酒遣此良夜興佳會無幾
時關山路幽篋撫景思徘徊終夕不能盡

寂坐臨前溪涼飈起天末顧影淒以悲珠露溼蘭薄落木
下庭除明月映山閣寒蟬咽復鳴清商時聞作美人天一
方山川成契濶焉得凌風翔高舉入寥廓

清秋夜方永寂寂寡所歡流光棄我去日月如眺九猗猗
楊柳煙復此零露薄憶昔少壯時雲霄厲羽翰偃蹇嬰憂
患山川道路難借此一枝棲愁來非一端青蟲吐秋絲落
葉驚非幹徘徊不能寐中夜起長歎

自桐溪還昭潭石壁精舍作

孟夏日正長曦陽裂厚地晨起戒修途草露溼蒙蔽伊余

湘上居風景未云替花木自扶疏松篁交蔭翳一水接遙
天衆山沈暮氣焚香對古人抱膝想天際

石壁精舍晚眺

迎涼出松關坦步恣幽興空水澹澄鮮落霞閃餘映汶漉
天氣清流覽情無盡風鳴樹在秋飛螢繞荒徑何人爲叩
肩寫我江楓詠

昆盧洞

裹糧材崇岡寒日上莽蕩山風冷毛髮奇險逾萬狀徑僻
峽愈遠豺虎肆偃伉泉聲相撞春石勢吃森向負緣下絕
壁蒼翠極遙望溼雲時滿山添作午潮漲緬彼藏舟人千
載邈高尚

買米謠

我作買米謠時維歲辛酉記得去年秋粳稻遍壟畝蝗災
與旱潦損耗亦罕有胡爲今年春石米四兩九蓋緣倉儲
空軍餉方掣肘富戶利蓋藏紅朽苦積守商賈操牢盆大
力負之走爭糴價遂昂居奇日益厚負販及傭工經營不
餬口辛苦得微值千人買升斗沿途如乞丐靦顏向豪右
趨起甫及門豪奴但搖手歸來聞號咷合室仰空岳嬰媿
及老弱枯瘠似衰柳秋熟望尙遙欲活焉能久所以無知
民痛心而疾首糾衆索強糴開倉發粟甌遂成搶攘風盜
賊如林數官吏申法嚴差拘不勝數里魁及博徒一一加
械扭嗟爾蚩蚩頑作孽實自愛貧富各有命豈可妄劫掊

我作買米謠以俟采風後牧養實有徒誰當執其咎

案嘉陵字西有長沙姦民喻次三侶衆強擄劫之案湖以南郡縣村落閉里魁博徒間風而起當事懲以重法始稍稍斂散道光辛丑間君若及益陽此風猶熾近武攸溪峒開假阻米爲名至於聚衆戕官懲不畏死竊以爲治亂國用重典非武健嚴酷不爲功邦人君子莫冒念亂蓋不勝悠悠我里之懼也

星城訂道俗遊漢江作

夙抱延覽志暫偕雲水儔烈日富炎景青雲豁雙眸乘杯
尋白足挹袂儕浮邱南瞻衡嶽翠北望洞庭秋隱然大別
山蒼蒼煙際浮慮澹物自輕利涉心夷猶斜陽下屋瀆缺
月漾中流雲海盪胸臆一身隨輕鷗前期戒舟楫致遠行
恐修願爲鴻鶴飛高舉遍十洲

遊迴雁峯作

新春一抹天光融雁峯齒翠撐晴空
天風吹落蒼壺石雨餘削出青芙蓉
東溟曉日駁霞沸衡城一葦當其衝
我來正值中和節孱顏兩足輓虬龍
湘南物象羅指掌鑿開混沌遊鴻濛
參軍外翰兩奇絕先我飛錫凌花宮
呼吸曾聞通帝座尙留豪句輝隆崇
登茲靈境心愉悅疑生羽翼超樊籠
本來垢習蕩然淨萬頃雲海羅心胸
煮石擬尋赤松子休糧欲學黃眉翁
飄然獨立塵寰外老我歲月無終窮
典酣投足此山宿碧天涼月磨青銅

題也岸僧行腳圖

靡然山澤姿於道思深造相逢好畫師寫出行雲貌背負

沈湘集卷第一 百九十一
四
蕉葉團手持柳栗杖參知色是空此相卻非相選官何如
選佛長有形亦復無形樣三登投子問因緣尤上洞山辯
眞妄詞壇結社譽爭揚夜半打鐘吟不放悠然適意詩酒
閒木杓箠籬任排當也岸也岸行未休秋晴待我黃鸝樓
等閒識得廬山面踏斷寒江萬里流

案也岸亦湘潭
詩僧其集未見

春日過懺心寺

自注寺係前明萬曆四十八年乙卯
大宗伯李湘洲先生募建佛像九銅

三鐵閉山祖敝庵傳至
愚師惺月老人凡九世

先人傳法地寂寞幾經春一水當門綠千花照眼新石爐
閒篆薛金像暗生塵祝髮兒時事重來倍愴神

過興國寺

自注創自唐
振朗禪師

咫尺山旬地山河墨點中聚砂傷往蹟
想高風營火流荒徑蟬聲咽暮空
到來耆舊盡珠淚老難窮
信宿琉璃地悠然見性天
溪風喧粥鼓山雨溼茶煙
菜葉能充隱花香解破禪
何時慰幽獨來此住經年

過法華寺贈訪松和尚

十畝棲禪處悠然一徑通
山遮行路客樹怒過林風
初地三花發塵心半偈空
寂寥人境外趺坐對支公

過寶嚴寺贈濟舟老宿

綠天無縫處精舍宛中央
乍覺塵氛遠微聞功德香
法雲三界滿世事一漚亡
坐久餐清飯鐘聲出上方

送陳芷齋之武陵

我夢武陵源君向武陵去武陵桃花開猶是秦人樹靈境
尚依然漁郎在何處擊檝望前村莫忘來時路

過洞庭

擊水入凌兢飄然過洞庭天留一氣白山失四圍青雪浪
堆空碧雲帆入杳冥我生無所著長此任漂萍

次曹問林贈別韻

千古名區記此遊晴川又放木蘭舟山平始覺天逾遠水
濶應知地是浮今古荒唐無限事煙波零落幾多愁浮生
浪跡重來否再看黃花灑晚秋

畱別如如精舍住持僧兼示心盦

草草遨遊一惘然祇園衣鉢記當年水光浮白催歸計山

色甯青訂後緣半芋已分仙客饌一囊還帶鶴樓煙趙州
有願終應遂發軔無忘漢水邊

金鳳山距華林不十里而近酷暑不得往遊悵然賦
此

羣峯昨嶠刺青冥憶則花宮歲幾經松徑記過遊子屐墓
田曾識老僧銘懸巖古洞勞重念流水仙源不再聽咫尺
祇園疏討論卻教遺憾到山靈

嶽中畱別諸道侶

連日空山絕點埃相逢舊侶好懷開浮蹤萬里原無定勝
地千年此一來孤錫尙畱猿鶴伴扁舟又逐水雲回蕉窗
倘遂重遊約記得題詩在講臺

過卓錫庵

柔藍踏破幾千重
泉石三生晤舊蹤
黃葉無聲飛古寺
溼雲不雨澹諸峯
打鐘掃地人初到
拾穗饒苓興尙濃
記否當年持鉢處
斜陽天際隱芙蓉

贈陳蘭莊

憶別蘭襟兩度秋
此來因值出山遊
諸侯賓客於今老
瓶鉢生涯總自由
漠漠同雲開嶽色
蕭蕭寒葉下江流
萍蹤知無定
且作花宮片刻留

偕同人遊鐵佛寺

欲訪人閒古化城
相逢知己訂同行
地畱勝跡邀清賞
天爲名流放曉晴
遺構當年思節使
自注謂梁大丞階平
良遊今日

快平生興闢嘯鳥催歸候百八鐘飛闕苑聲

丙寅暮秋贈別白庵先生

平生佳會苦無多一種銷魂奈別何老衲因緣非佛印先
生才調本東坡十千斗酒斟須滿百歲光陰強半過去後
知君重回首吳江楓落水空波

嶽中寄懷寄塵同道兼呈羅湘洲太史

竹陰庭院午風遲茗話松窗憶舊知覺範情多兼嗜酒念
庵才大最能詩玉堂金馬青雲客簪笠藤筇白足師媿我
迂疏無所似漫遊山水又多時

庚申暮秋挂錫興國寺書懷

亭阜木落嫩涼初一衲飄然返故居荒砌月明蟲語斷平

林風靜雁行疏淨名已共冰霜冷壯志還嗟日月除不爲
祖庭供灑掃敢言龍象屬吾徒

彌天花雨誓禪林杖錫重來愜素心自笑名微成石隱獨
憐才拙入山深寒泉繞澗聲鏘玉綠竹當門韻戛金我本
身求清淨出雲堂不放軟塵侵

白雲深處雨花宮豎拂諸方屬望同撥草且尋樵子徑披

襟還對大王風

自注寺前有山名大王

老松節勁濤翻海雛鳳聲清

韻入空自怪行藏難偶俗此生祇合隱山農

湘江落拓一編民粥鼓鐘魚結淨因門外久疏參學侶隴
頭長作耆耨人垂楊二月鶯聲滑小苑三秋桂子新自分
林泉安穩劣懶於懷刺走紅塵

題南天門寺壁

漂泊奚囊西復東，漫遊何處問行蹤。
人來湘水黃花節，家在衡山紫蓋峰。
眉際尙侵嵐翠溼，衣閒猶帶露華濃。
已將凡骨憑仙侶，許上天門第八重。

十六日風雪兼至道全乃不果行十九日再送

人事倉忙臘又殘，客中送客意何安。
現前畱戀分襟易，別後思量見面難。
長路不堪泥滑滑，千山猶自雪漫漫。
今宵縱有尋君夢，知在羊腸第幾盤。

昭山十七夜作

林臯寂坐聽鼙更，短燭光銷夜氣清。
香茗已酬三日節，冰輪又減二分明。
蕭疏落木當檐瘦，絮聒寒蛩繞砌鳴。
待我

踏雲肩柳栗天風吹送上蓬瀛

自注時余擬上祝融峯

寄三角寺志千師

寺創於唐總印禪師

幾日招提歷廢興月樓風殿每長登雲閒久解藏人境
靜時來繞佛銜粉壁尙畱三教像蒼松猶護六朝僧
何當更翦西窗燭重與支公講大乘

嬾殘巖

衡嶽神僧說瓚公當年棲息此山中我來尙有題詩意
師在曾無拭涕功絕頂高秋摩日月層崖深夜吼雷風
白衣宰相知何去野燒荒林芋火紅

舟中口號

滿寺開年便起程不辭千里訪交情狂風吹浪扶船立怒

石橫江阻客行日永任翻書卷破夜寒惟覺衲衣輕瀟瀟
盡處响屨在一縷晴雲逸興生

移寓華光祠書壁

十笏齋居絕點埃雀羅門巷被蒼苔微微酒興衝寒至澹
澹詩情被月來燒燭尙遲良友坐賞春還待好花開他年
勝事傳衡嶽不計滄桑有劫灰

華光富室雨雪兼旬偶成一律

時光草草過新年景物蕭條客緒牽雙漿欲飛湘上月一
囊還欠嶽中煙竹窗詩韻禪心外石鼎茶香鶴夢邊稍待
晴明登絕頂好將呼吸問蒼天

增臬空堂頭

沙洲書齋集 卷之二 下 九 一
煙火衡城萬戶齊飄然一衲雁峯西空山梵響敲雲細絕
頂鐘聲落院低三笑遠公橋未朽再來圓澤石仍題吾宗
自昔多佳話尙許流風到嶽谿

書懷

落拓生涯鬢已斑卅年塵土妄相關禪慙趙老空行脚貧
到深公竟賣山秋雨白翻蘆荻渚夕陽紅射蓼花灣多生
劫習除難盡覓得衣珠載往還

宿古佛庵

禪榻寂無人秋風涼簟枕月上紙窗明照見梧桐影

飛來船

何來一葉舟飛向峯頭住平地多風波飛來不飛去

捨身巖

放眼愁天壓，低頭覺地空。人生奇險處，不在此巖中。

秋夜懷湘上諸吟侶

夜色涼如水，離人萬里情。那堪孤夢醒，落葉打窗聲。

夜月

孤月一何皎，庭空絕點埃。窺窗尋旅夢，白到枕邊來。

竹林庵夾河望昭山作

白沙洲上怒濤翻，咫尺還愁行路難。遙望禪宮蒼翠裏，隔

江風雨一僧寒。

夏日病起

生煙漠漠繞孤村，綠染苔階過雨痕。睡起日長無箇事，濃

陰滿地獨關門

和荻浦途中雜韻

滌泗水繞路東西何處哀猿嶺外嘯
迺勝恰逢秋雨霽蕭蕭梧葉下前溪

越壑經邱一徑深澹煙微雨散高岑
道人不是悲秋客和得新詩細細吟

踏遍殘陽廿里秋蕭然吟興苦難休
荀輿恰好穿林過落葉飛來正打頭

尋九仙觀

邃谷幽巖木葉斑爲尋仙蹟叩名關
白雲斷我來時路猿鶴秋深響亂山

春日途中雜興

十里村莊五里亭，幾株楊柳不勝情。
東風吹醒遊人夢，恰被黃鸝喚一聲。

映門楊柳綠藏鴉，隔岸煙村四五家。
正是清明好時節，紙錢飛上杜鵑花。

夏夜偶成

紛紛暮色落黃昏，隴竹和煙滴露痕。
獨有愛吟人不寐，一庭涼月未關門。

田家雜興

草色經春綠漸肥，扶犁呼伴出荆扉。
鄉村二月晴方好，水滿平田白鷺飛。

蟋蟀

露浥空庭浸淺莎
聲聲哀怨夜如何
憑君說盡淒涼境
總是愁人聽得多

贈臥林居士

我似白雲君似山
白雲終日在山閒
白雲常被風吹動
不及青山一味閒

三閒茅屋已安居
促膝相談樂有餘
梅子熟時酸味改
蓮房劈破苦心除

松林坐石圖

勘破人間一夢醒
閒來拂石坐崢嶸
蒼松老欲成龍去
記得當年鑿茯苓

田家雜興

偶約隣翁爲惜春，惜春連日醉芳醇。
青山勸爾一杯酒，世上誰爲百歲人。

草遮門巷少塵埃，一徑松陰覆翠苔。
杜宇聲中人不見，牆頭細雨亂花開。

漢南柳枝詞

平隄遠近綠毵毵，千古風流說漢南。
一自柔魂當大別，長江日日送征帆。

鏡中春色月湖賒，嫵娜長條帶暮鴉。
兩岸雲鬟青不斷，替裙紅膩洒人家。

郎官湖內水汪洋，郎官湖上多垂楊。
東風不管人離別，日

沙洲春暮身
卷第一百九十八
三
日開門綠萬行

寓觀音閣諷經欄目遣興絕句三首

營盤小市枕河洪一水澄鮮濛遠空矮屋人家多聚族
煙斜日綠陰中

斗欲天開半未明朦朧雙眼睡初醒琉璃影殿含殘月
六
暈煙光冷畫屏

青紺天花散綺筵降眞香冷博爐煙晚涼新浴江邊坐
閒
看斜陽客喚船

洪福寺贈道清

櫻櫻竹笠畫中身十笏齋居絕點塵百鳥不來春欲盡
未
知誰是住庵人

秋日書懷

林巒曉色正蒼然，悵望伊人路幾千。
昨夜南湖秋色好，夢爲鷗鳥水黏天。

秋夜

門掩深山古寺中，紙窗鐙映一篝紅。
庭前獵獵秋蕪綠，清夜惟聞響百蟲。

沈湘詩集卷第一 百九十八終

沈湘耆舊集卷第一百九十九

新化鄧顯鶴湘臯編輯

長沙毛國翰青垣校訂

僧曉迷三十四首

曉迷字無礙，陽尋氏子。披薙本縣北鄉永興寺。
嘉慶初，飛錫長沙谷山寶甯寺。後入麓山爲屈子
祠住持。有無礙詩草。道光戊子，春余同鄧縣黃支
山桐孫吳江吳山子育諸城王香杜金策寧鄉黃
虎癡本驥邀同人修屈子祀宿寺中。無礙時已篤
老龍鍾，僂僕持所作詩冊呈客。眾笑置之。今十六
年矣。頃索到一冊閱之，不能離彼法筵。曰：要其清

傳處正不可沒也爲擇存古今體三十餘首

真趣樓

古殿盤幽僻巍樓峙清渾氤氳交樾翠氣涵衆妙門窗敞
谷風度檐低山鳥喧高枕半溪月清聆幾樹猿飛泉瀉峭
壁澹雲過曲軒巒勢聳凹凸竹影舞蜿蜒客來喜分韻時
復傾芳樽妙偈契元默清談空塵昏牧童嬉草澗樵歌出
山村來往皆見慣相對澹無言

由蒼筤谷口步山路至雲麓峯檢用劉長卿自道林
寺西入石路至麓山寺韻

去去攜金策

自注錫杖一名金策

一徑踏蒼苔偶因泉遶坐時從松

下回林煙自闌合山鳥獨往來鐘聲雲相逐禪門風爲開

樹密客爭憩，蔬香僧自栽。
午茶趁湯滾，乘涼啜幾杯。

漫興

禪關書靜無來客，花陰覆地日光白。
一榻茶煙香歇時，興來又著過山屐。
昨夜秋林落葉多，失卻松邊臥雲石。
苔淨處枕書眠，衆禽見慣飛翩翩。
歸來不記下山路，夕陽已上樵人肩。

山居八首

一徑沿溪入，藏身此覺安。
風光三月澹，霧氣四時寒。
庭草碧鋪罽，院花紅覆欄。
是非都不管，幽境好盤桓。

脫略形骸外，優游晷後山。
巖煙飛漠漠，澗水響潺潺。
樵語翠微裏，鳥歌蒼靄間。
夕陽明滅處，清磬度松關。

市遠塵囂少山幽景色殊石奇紛偃仰松老牛生枯坐愛
莓苔淨臥驚猿鳥呼悠然忘物我祇此學如愚

聽濤松石下不覺一身涼又振前溪錫去尋種竹莊塵緣
聊解脫野興還相羊客問僧行止山傍與水傍

不遣客攢眉藤牀共論詩爐煨枯梢柚盤饌滑蹲鴟飽飲
忘巡酒饒人懶賭碁山家無禮數來往莫相疑

枯木禪龕靜何知耳目講剎竿繙貝葉優鉢現曇花衲補
裁雲片牆扶借樹極拈題多僻興吟就自烹茶

園涉日成趣煙畦偶荷鋤愛收方便藥多蓄淡乾蔬礙路
花常護依窗筍不除箇中有閒味靜者得相於

渾無煙火氣落落一緇流水碧澄僧眼松青映佛頭齋厨

泉度覓眞趣月當樓自注到依山巖有泉澗架梁引之流入金中寺則有樓枕江額曰眞趣
此境足瀟灑相將問滿休

酬竹軒滌塵見贈原韻

客來三斗酒客去一聲鐘老衲形如鶴高僧氣若龍磨空
臺上鏡照見嶺頭松試問桃花悟疑國破幾重

送寄塵之江蘇

學得忘家在去留羨君垂老愛豪遊三湘水滿欺蛟窟五
兩風輕過鶴樓縮海島來連彼岸移金山去接瀛洲雲帆
渺渺離江樹一別何時見道猷

嶽麓懷古

爲尋勝蹟縱幽禁竹樹林邊眺望閑喚虎僧歸畱法座射

蛟人去騰空山蒼松歲久龍鱗古青石年深禹篆斑誰是
此中風月主夜分鐘鼓出禪關

送竹軒之鄂州

老衲年將八十秋慣尋山水作閒遊澄心遠印湖中月放
眼遙看煙外樓飄泊魚龍隨上下杳冥星斗共沈浮綠天
蕉葉春全展好把新詩寄橘洲

送滌塵之漢川

十五沙彌愛遠遊髡流結伴棹湘流風帆駛似雲中隼野
衲尚於水上鷗青草浪迎杯泛泛漢陽樹指錫悠悠到來
試弄仙人笛吹落梅花滿客舟

登龍寺

沿溪草樹綠陰陰，異派同源祇樹林。竹影欲迷青嶺色，鐘聲不擾白雲心。無歌古澗蒼僧梵，山鳥呼風招客吟。點化猊龍降伏處，禪關月朗碧波深。

酬竹林庵明本大師原韻

法流東土到衡峯，今古袈裟萬代宗。歷見圓明千個佛，常聞正覺一聲鐘。龍潛性海盃浮月，鶴隱空山錫挂松。信是如來談妙諦，天花影裏有機鋒。

曉起

竹光晃初陽，澹然心無累。山鳥不知名，曉入煙深處。

卽事

十雨喜一晴，山頭聽泉去。霏霏蒼靄閒，人聲在何處。

山行

山翠溼人衣一徑入深邃忽聞啄木聲疑是樵人至

思古臺

元真忘道道忘臺跡寄千秋去不回幾度沈思思未得坐
看碑古長蒼苔

白雲岫

一岫符陽瑞氣熏結成華蓋聚氤氲老僧卻被雲畱住坐
看峯頭到日曛

松鶴林

杖撥煙霞看鶴林鶴林古幹晝陰陰濤聲打醒巢閒夢飛
向青天何處尋

講經臺

講經人去尚留臺法雨天花落幾回貝葉常隨孤月轉松
枝遙指向東來

訪尋居士希顏

種花山人山下住花深嶺複不知處一路屐痕風雪中石
橋溪岸看梅去

山居十四則錄七首

蕭然四大木皆空六幕清虛在箇中無位真人憑出入儘
教萬有盡牢籠空爲屋

趙老縫來舊衲衣青州大意暗藏機偶然松下裁雲補一
片裁來一片飛破衲衣

杖出須彌頂上峯橫拈倒草畫如龍高低上下隨吾便撥
去紅塵幾萬重

隨身杖

一笠隨身數十春遮風蔽雨不沾塵有時高挂松枝上恍

惚林閒月一輪

簷笠子

慣編軟草織芒屨踏碎空庭月半階行跡杳無尋覓處自
雲腳下去來偕

芒草屨

空手擎來不是鈿孤峯嶺上剗煙霞耕雲種月生平計笑
個山僧老作家

無柄鋤

金經白煉一剛刀雪出神鋒萬丈高但見紅塵都斬斷爭
教六賊不潛逃

無柄刀

老梅

何事蕭疏懶著花
破牆欲躡半枯榼
賸將一副冰霜骨來
伴山僧近水家

僧如松

十六首

如松字知希新化劉氏子少好學稍長漁於濱江
自號濱江漁父已披薙入文斤山號文斤山人有
詩一卷殆與無礙相伯仲亟爲采錄殿方外之後

濱江漁父歌

漁翁夜泊鷗不驚
漁婦曉汲手自烹
全家一艇不歸去
長笛一聲濱水清
去年覓得資深處
朝披江雲暮江霧
往來出沒谿峽中
自言生計良非誤
閒釣資江魚醉作
資江歌得魚沽酒一
長嘯此身祇合老
煙波

登文斤最高處

寂寂復寂寂老僧空面壁興盡抱雲眠興來蠟雙屐攜杖
入煙溪沿隄柳纔齊喚我同懷客共登石門梯石巉巖兮
雲漠漠文斤萬仞山如削人跡不到真蕭然願與青山申
舊約青山東畔是煙霞青山西畔是吾家時還采藥煙霞
裏草綠苔青石磴斜回頭下望茱萸水逝者如斯流不已
豈無潛蛟伏深潭亦有長鯨吹浪起不聞不見祇等閒采
薪汲水任往還笑殺路傍名利客何如此處掩仙關

賞花歎

桃李成蹊手自栽花山莫惜傾金杯人生得意須一醉再
冉春光不再來昨日花開今日落去年酒力今年薄始知

浮生不百年安用虛名棄眞樂

醉中歌

一笑煙霞叟今年八十九少居資水東晚卜梅山後園栽
漢代松宅種晉時柳萬事不關心惟餘杯在手一杯一杯
復一杯三萬六千樂何有酒酣拔劍斫地長嘯一聲動
牛斗左挹羲皇徒右把謫仙友無懷氏與葛天民底事虛
名垂不朽

卽目

蕭雨連天降涼風捲地來霜催秋後葉春入嶺頭梅凍鳥
飛還集寒雲合復開冬山呼不醒一夢待春回

春遊

三月新天氣人家事踏青殘花開且落小飲醉還醒蘭蕙
抽香玉山林列畫屏流鶯嘯不住鼓吹幾人聽

初入文斤山

獨自避塵埃山閒起石臺卜居宜五柳索笑此孤梅酒對
高僧酌花依老樹栽神仙如可學此地卽蓬萊

卽事

解慍涼風至催詩大雨來花留香蝶宿松合老人栽負藥
煙霞裹烹茶楮拙煨黃昏明月上一笑倚樓臺

庵居寒夜

寂寂荒庵坐飄飄意似仙老梅濃著月殘菊澹含煙山鳥
寂無語松風寒到鴉曉鐘敲不得白鷓未酣眠

采藥

老夫年六十卜築入深林短笛風前弄新詩酒後吟此身
真脫俗好鳥亦知音采藥歸來晚丹房溉釜鬻

小住

小住茅庵署望南江山如畫雨初酣前溪綠漲三篙水古
峭青拖百尺嵐半畝梅花留鶴守十年鐙火共雞談空山
亦有知音侶不惜風中笛弄三

漫興

平生雅愛月爲鄰峻嶺名山隱遯身
蟠徑無人生綠蘚
鵝扉盡日掃紅塵酒從野店沽來好詩向茅廬賦出新
過客不知吾姓字猶呼我作避秦人

秋日卽事

自從脫髮臥雲端容易秋風今又殘
題到梧桐憐字瘦吟
成山水覺詩寒
病中般若供閒睡
老去來其佐小餐
更有
一股佳景在黃昏
明月挂闌干

自注黎所
一作來其

山居

老僧九十已心灰
卜築青山養鶴胎
花徑儘教風伯埽
蓬門不爲俗人開
友從客歲貧中絕
松自今年老去栽
林際尋常行處樂
長歌唱得采薇回

小園

小園飛不到塵埃
桃李芳菲四面栽
幾度呼童勤打掃
莫教花影上樓臺

洛伽庵悟微

洛伽庵在新城南里許濱資江崇陽觀右相
傳悟微端坐火化塔在庵後有像於寺中白髯童
顏朱履袈裟自書贊於上邑人劉西岡曾詠之云
說偈本無偈悟微猶有微如何欲心灰便作茶毘
歸此事西岡屢爲余言之惜未及一訪也

像贊

孤性寒崖枯木門庭冷地嚴霜點精金成鈍鐵指東土是
西方能令人灰心寂滅眞無有佛法商量自家面目也不
識任他淡墨與濃粧

劉爾端

爾端泮翁人爲城隍廟道士工詩畫好遊名山水
有一詩見通志仙釋門

題山莊

一片無塵地人閒小洞天南窗契高隱嘗抱白雲眠

案羽士詩不多見方志
所載鮮佳者故不具錄

沈湖耆舊集卷第一百九十九終

清舊集卷第一百

新化鄧顯鶴湘臯編輯

長沙毛國翰青垣校訂

仙鬼雜流

王玉英

五首

玉英一名秋英字澹容楚人

湖南通志叢談耳談

徒於邑之藍田過石湖嶺見遺幣哀而掩之是夕

有婦人來謝掩飾之事問其家曰妾楚人也姓王

名玉英宋德祐間父爲閩守將兵遇元戰歿妾亦

同死嶺下今與君遇夙緣也遂與居處亡何生一

子女曰兒受陽氣淺未可遽令人見乃抱兒歸湘

潭棄之河旁書衣帶閒曰十八年後當來歸湘潭

有黃公者富而無子拾之黃旋生二子既長皆授

室獨所拾子泥衣帶閒語未決然已捐金四十委

禽於其里人易氏矣久之女謂韓曰兒生已符衣

帶之期可往視之韓遂往湘潭訪黃得之乃更韓

沅湘耆舊集卷第二百

姓女能詩落筆皆有理致其憶生詩云云按楚風補所載與此小異玉英作秋英慶雲作夢雲湘澤作湘陰黃公作朱黃橋玉英初遇韓生時則嘉靖甲子也

冬日寄韓生於玉融

朔風震撼似瀟湘滿樹歸鴉噪夕陽不見王孫停駟馬惟
聞牧豎喚牛羊荒野山野水悲長夜懶鬢疏容怯凍霜漠漠
陰雲愁黯黯幾時相對一爐香

歸楚畱別

兩年歡會夢魂中聚散人間似轉蓬歲月無情催去燕關
河有信寄來鴻劍沈延浦光終合瑟鼓湘靈調自工他日
扁舟尋舊約夕陽疏影楚雲東

憶生

洞裏仙人路不遙
洞庭煙雨畫瀟瀟
莫教吹笛城頭角
尙有銷魂烏鵲橋

莫訝鴛鴦會有緣
桃花結子已千年
塵心不釋藍橋路
信是蓬萊有謫仙

朝暮雲騖閩楚關
青鸞信不斷
塵寰乍逢仙侶
拋桃杖笑我清波照霧鬢

魯男一首

男字一男桃源人貢生

楚風補一男少孤爲文高占北工詩以黨錮沒於獄

著作散失迄順治十七年九月既望死已十三年矣邑尖岡坡僧夜講譚關忽一士人唐巾道袍叩扉入烹茶坐談索紙筆作詩註魯男題轉盼失所在家通志獻賦亂男以身代母賊沈諸河與此異

僧舍詩

黃葉落空際蟲音遽然止我來叩方杖鐙輝白如水霜著
罽夜涼秋魄寄素紙嗚咽不成聲肅肅若有情久爲腐儒
誤兜響不能生嗟哉佛榻懸高燭日月飛光相吞浴人天
一座獨正襟閒弄煙雲意自深願借梵唄破幻相鐙前花
影鏡中身

石鼓書院降神詩一首

萬曆十五年衡陽石鼓書院有神降叩題詩衆曰
得非御史胡公耶曰然公名節零陵人正德時以
御史巡按山東爲劉瑾所銜矯旨下錦衣獄毒死
公按山東祭告泰山曾登絕頂書彌高處三字有
詩見十二卷所云旅祭何心嗤借越醉題有筆潑

雲煙者也

詩

報罷泥金喜氣融錦衣驄馬出山東泰山書就彌高處都
付青雲一望中

紫溪仙詩 一首

紫溪在蕪化縣西其地多陳姓有南溪翁者好道
善琴奉呂仙甚虔家舊藏嶽僧兩琴嘗與呂仙訂
會於溪之滄浪亭遇一叟來對飲撫琴動操山鳥
翔集和風滿林尋謂翁曰三醉翁至矣回頭視之
叟亦不見因名叟所撫者爲弄雲自撫者爲懷仙
後翁以事自齊安經武昌適道士延卜其上呂仙

題云

詩

幾年不見陳文璧今日相逢兩鬢霜記得昔年溪上坐也
曾一曲詠滄浪

案此詩見說部末句作也曾攜手詠滄浪與此小異乾隆閒弄雲歸長洲褚學士廷璋學士有弄雲篇附錄一百六十五卷中近日懷仙歸邑子晏叔立起林叔立亦有懷仙篇和褚韻詩

養真軒詩一首

南溪翁之孫鐵山太守名君龍卽節愍公也明末
殉張賊之難先是節愍公攜琴入蜀一夕弄雲鳴
其哀命其子襄歸而潼川陷節愍死焉二琴歸焉
古臺寺康熙辛卯秋陳氏有延卜於養真軒者因

仙復題詩云云乾隆丙午秋筠心學士重過湖南
陳氏之裔有大巖者曾以文字受知學士遂以弄
雲歸之云

詩

老衲養雲久知音良可哀欲逢天漢客留汝待秋來

湘溪野廟詩一首

尤琛長沙人少年韶秀過湘溪野廟見塑像紫姑
神甚美題壁云云夜有叩門者啟之曰紫姑神也
見郎詩甚佳故來謝手一物與尤曰此名紫絲囊
吾朝玉帝時織女所賜佩之能助人文思

詩

貌姑仙子落煙沙冰作闌干玉作車若畏夜深風露冷
離茅舍是郎家

五李玉蓉降神詩二首

玉蓉詩見一百八十卷此其降神於湘鄉彭氏詩
也時九月初八夜彭氏云仙能賦今夜景乎故又
有第二首

詩

諧得笙簧數十月傷哉夫子遭離別梅城千載誦清操一
點丹心凝白雪

又詩

金風飄綠柳玉露燦黃花擬作登高賦明朝笑孟嘉

三山主人詩一首

嘉慶十八年教匪林清嘯聚畿輔以八月十五夜
潛入 禁城爲亂其黨朱成貴崔士俊分擾山東
定陶知縣寧鄉賀君德瀚死之其子懋懋奔赴定
陶延吡於紳士某家降詩云云末題三山主人先
是賀出都時求卜於前門關廟有前三三與後三
三之句應十八年之變也

詩

雲飛故國三千里月冷遊魂十二時千載忠魂何處覓一
生節義有誰知

益陽學社公廟詩一首

益陽學署小圃中有土地祠甚著靈異常降神左右居民家自言姓名籍貫甚悉云是江南老諸生客死湘中因主是園吾邑楊玉泉學博溫官益陽教諭甚久一夕延卜默叩壽數得詩云云玉泉所居曰漣溪又吾郡桃花洞有石柱華亭顧璘題古雲根三字皆人所不知者十年前玉泉翁爲余言余曰君可鐫兩印章一曰漣溪居士一曰古雲根年壽更無量矣翁後以資升武昌教授久之始歸今尙健在年八十五矣聞其食飲過人步履無恙殆前身爲老石精乎

詩

清湘飄泊幾多年，來伴荒寒半畝園。
寄語漣溪老居士，精神畱取古雲根。

江仙媛詩二首

乾隆中楊湘崖學博同吾邑孫石溪吳蘭柴諸君
客長沙爲詩酒之會一日有女仙江媛降神其寫
諸君競相倡和今里塾有鈔傳者其語甚平常不
足當仙女也聊存一二首以資談助

秋江早別爲諸公北上之兆限江字

淡煙疏雨對銀釭，玉枕驚人坐小艫。
兩岸蓼花催夜月，片帆秋影透篷窗。
黃河浪湧潮千尺，湘浦天高雁一雙。
山嶼梅開春信早，長安佳訊遍三江。

天門仙媛詩一首

邑子鄒漢濱仲辰寓慈利學署有神降詩云云

白雲深處種胡麻流水桃花是妾家鎮日更無些子事離騷讀罷讀南華

岳陽樓乞丐詩一首

有貴人子邀客轟飲岳陽樓酒酣賦詩一乞丐見而微哂衆怒之曰而能詩乎丐曰如諸君詩有何不能遂濡筆大書壁上一笑而去善化胡問鷗士薰云

詩

千載危樓俯逝波紛紛詞客漫經過記無文正同憂少詩

有襄陽陶筆多放眼爭看湖水濶
低頭無奈古人何
湖山蕭葉巴山酒依舊漁翁一釣簑

乞丐懷中詩一首

有乞丐斃於路搜其懷得詩一首聞之官爲收殮
葬之余少時塾師所傳聞如此或云長沙人也

詩

自歎平生不自由
殘杯冷炙漫相投
筠籃帶雨攜殘月
檀板臨風唱晚秋
兩足踏穿塵世界
一身歷盡古荒邱
從今不復朱門叩
村犬無勢吠不休

燒火僧詩一首

有人言獄寺燒火和尚作半雲庵詩甚佳後見僧

本照杯渡齋集中有此詩傳者悞也今仍舊聞錄於此

半雲庵

山半山庵號半雲半畱平地半嵒嶽半山茅塊半山石半壁晴天半壁陰半酒半詩堪避俗半仙半佛好修心半閒房舍雲分半半聽松聲半聽琴

無名僧一首

僧不知何人亦不知卓錫何寺琮兒述所聞於先友張蓉裳云

送人詩

山中無物贈君家嶺上白雲不可賒賸有一輪明月在備

來相送過衣沙

賣畫翁詩一首

國初衡湘閒有賣畫翁行吟市中不言名姓或叩
之得詩一首里塾傳聞如此殆亦石濤掀浪之流
也

詩

殘山賸水記微茫寫入粗縑當裏糧一笑尋常何足問曾
經濡筆貌先皇

衣工詩一首

相傳有衣工詩先友譚吾肩嘗誦之

詩

休將寬窄誚衣工量體裁來量體縫世路而今多絆絳囊
衣濶袖本難容

雷母後裔詩一首

無錫高提學世泰雷母傳石首王珠琦丁元末紅
巾之亂全家罹禍子身奔鼎澧閒逐獵爲生獲一
田大一頭九耳奇而畜之每獵以耳動多寡爲所
獲禽獸之數九耳齊動從未見也一日九耳皆動
異之入山竟日無所獲俄經石塢犬奔其中見一
石大如斗迴環狂吠琦思石必奇珍負歸置神几
閒一夕風雨疾作迅雷入破其石一乳女呱呱泣
聞之官官以爲神物令哺之時人以其怪莫肯議

婚及笄琦遂配焉字曰雷氏溫惠淑慎生三子俱
貴累葉顯奕號曰雷母其九世孫敬軒憶祖詩云
云

詩

禍慘紅巾十八門春風何意有兒孫
濫陽奔命吾家祖奇
遭天雷裕後昆

黃華老人 四首

楚風補有南嶽黃華觀隱者黃華老人詩四首甚
清妙乃以申州集之王庭筠當之考庭筠字子端
熊岳人金大定十六年進士平生愛天平黃華山
水居相下十年自號黃華山王郎所謂黃華老人

也南嶽志中所稱之黃華老人住南嶽黃華觀則
又一人也檢四詩不見中州集姑錄於是以待考

黃華觀四首

帝造名山護此邦千家琴瑟嵌西窗山僧乞與山前地招
客先開四十雙

挂鏡臺西挂玉龍半天飛雪舞天風寒雲直上三千尺人
道高歌避暑宮

手拄一條青竹杖真成日挂百錢遊夕陽欲下山猶好深
樹無人不可留

玉母祠東古佛堂人傳棟宇自隋唐年深寺廢無僧住滿
谷西風栗葉黃

案此四詩不見明州集然其氣味風格質之延竹
諸自無不合若其爲庭筠詩無疑况第二首云云
豈南州亦有高敞遺暑臺耶愛
其詩姑仍舊錄存而辨之如此

兩頭織織詩一首

見潛溪志馬祖常詩祖常色目人常居靖州天門
山有石田文集十五卷見浙江遺書總錄 四庫

全書目錄

潛溪碑

兩頭織織千兩挽半白半黑大纛旗膈膈剝剝解角麋磊
磊落落潛溪碑

七十一雲峯道人詩一首

此詩向傳爲武岡子子仁作子仁晚號七十一雲

峯道人見武岡州志後閱明詩綜有此詩遂刪去
今仍附錄於此

絕句

烏帽黃冠白鹿裘山中甲子不知秋呼童檢點門前柳莫
放飛花過石頭

白水山詩一首

山在祁陽縣東六十里九疑之麓出三支水至白
水市合流入湘江雙峯插天兩岸夾峙東爲紫羅
峽左嶺有白泥塘方三四丈泥白如粉相傳何仙
姑洗粉於此昔人題詩云云

詩

飛瓊曾駕碧雲車飛向瑤池研玉華染白峯頭一掬水到
今流注徧湘涯

七事詩 一首

俗傳陳文肅公未遇時家甚貧除夕爲債家逼不
能具炊口吟七事詩次年遂登第不十年至大位
先雲渠兄嘗誦之云

柴米油鹽醬醋茶七事俱在別人家聽其自然然不得倚
門閒看落梅花

七事詩 二 一首

張湘門翁詩見隨園詩話

書畫琴棋詩酒花當年件件不離他而今七事俱更變柴

米油鹽醬醋茶

雜謠歌辭

朱氏明詩綜雜采謠歌附於卷末以謂童謠輿誦及田家雜占未嘗師法古人出於天地自然之音世治之汙隆人材之邪正莫不一本好惡之公所謂詩可以觀者是已畱此以俟撰五行志循吏傳者采擇焉今仿其例擇其有關於湖湘閒者附存焉

龍化湖讖

茶陵州有龍化湖故有讖云云正德己卯湖忽曠
涸龜裂明年州人張治遂舉進士第一出名山藏
龍湖圻榜元出

翰林謠

茶陵李東陽等爲翰林長而王九思等爲簡討時

人語云見明詩綜

上有三老下有三討

羅太守歌

桂陽羅以禮永樂中守紹興寬猛得宜雨暘不時
往禱輒應民歌云云見明詩綜

太守羅以禮求晴得晴求雨得雨

梓州曲

崇禎末新化陳節愍公死潼川之難蜀人追念作

梓州曲其詞曰

蜀山何義義陳公節不靡蜀宇號枯桑思公堪斷腸

賀馬子謠

萬歷時益陽有童謠云云崇禎初掘得一石硯刻
識賀馬子置未幾而張獻忠之亂嗣是牛李王宋
馬戴諸賊十餘年閒焚劫殺掠之慘甚於他邑
要得發張邈邇要得死賀馬子

辰州苗民語

明詩綜沈融谷云苗民負固恃有千萬山峒軍退
則突出軍至則潛藏惟官軍糧多築長圍困之其
所畏也

不畏官軍但畏糧屯

都下語

乾隆初茶陵彭莊新寧鄉王文清同官京師二人

皆博聞強記人語云

記不明問文清解不真問維新

趙青天謠

趙恭毅公申喬巡撫湖南人呼趙青天長沙居民
賽會用二人擡一座兩旁插清道旗幟道字皆斜
寫又以錢結兩師子置座上中插一大燭名日照
青天其詞云

兩道俱不正兩司俱要錢中閃一燭照青天

謝公謠

許容巡撫湖南與糧道謝濟世日劾侍郎阿里衮
御史胡定來湖南會鞫長沙民謠云

濟世有謝公許子不能容

時又有偶語云許子衣許子冠衣冠禽獸胡然天胡然帝天帝

神明又云阿彌陀佛饒了你齊天大聖不容情胡謂胡完阿彌陀佛謂阿里袞齊天大聖謂孫士淦時文定公方爲廷督也

礦徒謠

明末開礦有害無利至今遂諱言此事然桂陽鉛
廠辰州砂廠鐵廠固未嘗禁亦未聞召釁也吾郡
土產瘠薄生計艱難專賴一二煤窰鐵廠間民無
職業者有所資而得食然其利甚微近聞吾楚產
金之地頗多若弛開采之禁因而乘之於以濟國
用而裕民生亦未必非救時之急務也若云畏礦
徒滋事彼終日役役於煤窰鐵廠者獨皆良善之

民而召募開采之人必皆頑梗不逞之徒乎是又不然矣

金三廂銀九場

鉛廠鐵廠錐徧土壤

金礦銀礦委諸草莽

莫聽誑但看旺不旺

莫問財但看開不開

鹽販謠

永寶開自順治十五年改食粵鹽民稱不便康熙
中士民屢請改食淮鹽當事者籌之再三始有定
議至今日而情形又異始以食淮爲便今以食淮

爲苦始以食粵爲苦今以食粵爲利小民狂所便而驚於利雖峻法以懲之不絕也聽鹽販之謠或亦當思所以裕國利民變通之道乎

淮鹽貴如金粵鹽賤如土淮鹽一斗泥粵鹽一斗鹵將鹵換泥官不許

里老謠

猾胥黠役官之蠹也里魁市獍民之毒也街談巷議可勝瀆哉哀而聽之是在君子

一案牽十起一案飛十里貧民供鞭筆富民吸骨髓

票上一點墨民閒千點血

治苗去賸治民去賊

賊寨不開花，眞正好官家。

去草先去莎，除賊先除窩。斬草不除根，終久又蔓延。

資江舟子謠

五十三灘一灘一灣

一灘高十丈，十灘高百丈。寶慶在天上。

放船出了茱樓門，船公放了膽。客人定了魂。

新化鄒漢助
以瀆湖南水

道考云茱樓門俗呼諸樓門蓋茱萸之轉聲也兩山夾峙
川流折而復還灘中湍渦吸舟尋引之外輒爲亂石所破
裂非熱水長年不能遷期絕險也

大柳洋小柳洋，十個船公九個忙。

紙船鐵船公，怕淺不怕風。

大洋江小洋江，鄧家溪在中央。

龍舟歌

吾邑競渡風甚盛其歌有聲無詞惟柰何二字明
了先友唐藿君有五目觀龍舟詩云世人不識投
江意更與殷勤喚柰何

柰何柰何那個柰你何

黔西謠

天無三日晴地無一里平人無半點情

農家諺

最喜立春晴一日農夫耕田不費力

驚蟄不凍蟲寒至五月中

春社無雨莫耕田秋社無雨莫割園

春乾高起倉秋乾斷種糧

秧一拳忙抄田 禾怕午時風人怕老來窮

四月八月晴打鼓薛茅坪四月八日雨打鼓求木主

小滿不滿芒種不管

頭小尾小耕田了口頭大尾大耕田有賣

秋前扮不得秋後扮不徹

處暑滿田黃家家修廩倉

高山一望不如低田一段

一下鋤頭一綫粟吃到殘年饒積穀

湘邵閒農謠

邵人不修塘未旱迎城隍湘人不信鬼未旱先蓄水

雲走邵陽曬破腦漿雲走安化衝爛新壩

里諺

楊柳生放風箏

四月八凍殺鴨

四月八日晴魚兒上高坪

五月壬子破大水穿山過

十日雨漣漣高山也是田

夏至伴端陽家家餓斷腸

九月重陽移火進房

朝霞雨漣漣晚霞火燒天

月光生毛大水推滾

生男如狼猶恐成羊生女如鼠猶恐成虎

屋簷水點點滴滴不遷改

孝順還懷孝順胎忤逆還生忤逆孩

甯可大人容小人切莫家鬼弄家神

一債還一債加利不肖賴一拜還一拜有禮不可再

嫁女歌

鄉俗嫁女先三日族戚姑嫂姊妹娣姪皆會執手
哭盡哀哭必數以詞蓋哭嫁陋俗今猶未盡改也
兒女子相沿俚歌略同廣東歌堂詞王貽上所云
與樂府子夜曲相近者也兒時熟習之語亦追錄
一二於此以覘風尚

別詞

妹妹去哥也傷心嫂也傷心門前一帶清泠水妹來看娘
莫怕深

妹妹去哥也號咷嫂也號咷門前一帶崎嶇嶺妹來看娘
莫怕高

妹妹去風也蕭蕭雨也蕭蕭天長路遠山水隔妹來看娘
莫怕遙

回門詞

麻雀短尾雀長打鼓子嫁姑娘去時梅花開歸時梅子黃
伸手摘個梅子嘗眼淚汪汪記得娘

修山謠

先大父授徙益陽之書堂最久地有修山亭亭焉
立資岸松堂集中有詩所云終日面山居好修吾
敢墜者也晚歲歸里時人恐其不復出也爲之語

云

有山曰修有堂曰書先生去此吾誰與居
有堂曰書有山曰修先生去此吾誰與謀
家知書矣人知修矣先生樂此毋歸休矣